

Öffentlich

Swissgrid AG
Bleichemattstrasse 31
Postfach
5001 Aarau
Schweiz

T +41 58 580 21 11
info@swissgrid.ch
www.swissgrid.ch

Conduct da tensiun maximala La Punt – Seglias Infurmaziun per las medias

Data 1. da fanadur 2025
Scrit da Jan Schenk
Communication & Stakeholder Management

Autorisà da publitgar:

- Infurmaziun per las medias
- gasettas communalas e paginas-web da las vischnancas

Renovaziun dal conduct da tensiun maximala La Punt – Seglias

Il conduct en il liber da 380 kV existent tranter La Punt e Seglias fa part da la rait da transmissiun svizra. Il conduct ha passa 60 onns e cuntanscha prest la fin da sia durada da vita tecnica. Swissgrid renovescha perquai l'entir conduct en il liber sin il trassé existent. Uschia èsi pussaivel da garantir a lunga vista la segirezza dal providiment en il chantun Grischun ed en l'entira Svizra.

Swissgrid gestiunescha la rait da tensiun maximala da la Svizra (380/220 kilovolt). Quella ha ina lunghezza da 6700 km e procura che l'electricitad arriva a moda segira, effizienta ed ecologica là, nua ch'ella vegn duvrada. Per che la Svizra possa er en l'avegnir profitar d'in providiment fidabel, è necessaria ina rait ferma e moderna. Il conduct tranter La Punt e Seglias ha passa 60 onns e cuntanscha prest la fin da sia durada da vita tecnica. Swissgrid planisescha perquai da renovar il conduct. La tensiun resta tuttina, il conduct vegn dentant adattà a las pretensiuns dad oz.

En la rait da tensiun maximala svizra gioga il chantun Grischun ina rolla impurtanta – per il transport da l'energia fin en ils centers da consum en la Bassa, per il barat da forza electrica cun l'Austria e l'Italia, ma era per la segirezza dal providiment surregiunal e regiunal en il chantun. Swissgrid modernisescha la rait da tensiun maximala en il Grischun cun plirs projects d'impurtanza strategica.

Tge vegn construi?

Il sector dal conduct da 44 kilometers tranter la sutstaziun Seglias e La Punt cumpiglia 132 pitgas e vegn renovà dal tuttafatg. Las mesiras da construcziun planisadas per la **sanaziun dal conduct sin il trassé existent** èn cumplexivas.

- rinforzar 87 fundaments da pitgas
- rinforzar la construcziun da 74 pitgas
- construir 52 pitgas novas
- auzar 10 pitgas
- remplazzar sugas d'auta tensiun e sugas a terra che mainan electricitad

- remplazzar isolaturs
- renovar l'anticorruasiun cun color verda

Sin fundament da la lunghezza dal conduct e da las sfidas da construcziun vegn il project per la renovaziun dal conduct da tensiun maximala dividì en duas parts:

Part	Procedura da permissiun	Cumenzament da construcziun planisà <i>tavla da termins en il cas optimal senza proceduras giudizialas</i>
sutstaziun Seglias – sutstaziun Filisur	exposiziun publica: 3 da fanadur – 18 d'avust 2025	2027
sutstaziun Filisur – La Punt	probablmain: Q4 2025	2028

La renovaziun dal conduct da tensiun maximala La Punt – Seglias custa var 90 milliuns francs.

Tge munta quai per la regiun?

Las lavurs da construcziun succedan sin il trassé da conduct existent e n'han nagina influenza sin il maletg da la cuntrada. Il conduct ha vinavant ina tensiun da 380 kilovolt. L'exposiziun a champs electric e magnetic resta uschia tuttina e correspunda er en l'avvegnir a las prescripziuns legalas. Swissgrid stat en stretg barat cun las vischnancas, las proprietarias ed ils proprietaris da terren e las autoritads pertutga:das. Per ils dretgs da passar cun conducts, ils plazs da deposit ed ils access als piazzals vegnan pajadas indemnisaziuns tenor las directivas communablas da l'Uniun purila svizra e l'Associaziun da las interpresas electricas svizras. Suentar las lavurs da construcziun metta Swissgrid ils lieus, nua che las pitgas èn piazzadas uschè bain sco pussaivel puspè en il stadi precedent. Nua che quai n'è betg pussaivel, vegnan realisadas mesiras substitutivas ordaifer il perimeter da project tenor la Lescha davart la protecziun da la natira e da la patria e las prescripziuns chantunalas.

Spunda da boas a Brinzauls

- Il conduct da l'Alvra maina tras il **territori da boas a Brinzauls (quatter pitgas)**. La spunda en moviment destabilisescha las pitgas en il territori. Ils moviments da la spunda vegnan survegliads permanentamain cun radar ed ina rait spessa da sensurs da GPS. **Swissgrid realisescha adina puspè mesiras da sanaziun per che l'electricitad possia vinavant curre sur il conduct e per la segirtad dals umans e da l'ambient.** Sch'ina crudada da crappa donnegescha il conduct, va ella immediatamain ord funcziun.
- A media vista: mesiras da construcziun cumplexivas per la sanaziun generala dal conduct en il liber La Punt – Seglias **sin il trassé existent**.

Ulteriuras infurmaziuns


Ulteriuras infurmaziun davart la rait da tensiun maximala svizra chattais Vus sin la pagina-web:
www.swissgrid.ch/strategischesnetz

Contacts

Swissgrid Media Service: media@swissgrid.ch u sut il numer da telefon +41 58 580 31 00

Persuna da contact: Jan Schenk, comunicaziun da project

Illustraziun: plan da situaziun dal conduct da tensiun maximala La Punt – Seglias



Illustraziun: conduct da tensiun maximala La Punt – Seglias en la chavorgia da Schin (vischnanca dad Albula/Alvra, eglia da vers la Tumleasta)

